

Nakon sprovedene procedure direktnog sporazuma, na način i po postupku predviđenom odredbama Zakona o javnim nabavkama BiH, zaključuje se

U G O V O R

O NABAVCI USLUGE ODRŽAVANJA TELEKOMUNIKACIJSKIH INSTALACIJA

između:

JAVNE USTANOVE "APOTEKE SARAJEVO", Sarajevo, Aleja Bosne Srebrene bb, koju zastupa generalni direktor prim. mr. ph. Sait Muradić (u daljem tekstu **Naručilac**)

i

SERTIĆ d.o.o., Hiseta 6, Sarajevo, ID broj: 4200094970001, koje zastupa Miralem Spahić, direktor (u daljem tekstu **Izvršilac**)

I PREDMET UGOVORA

Član 1.

Predmet ovog ugovora je nabavka usluge održavanja telekomunikacijskih instalacija **Naručioca** od strane **Izvršioca**.

Izvršilac se obavezuje uredno i kontinuirano pružati uslugu održavanja telekomunikacijskih instalacija prema cjenovniku usluga od 15.07.2018. godine.

Član 2.

Vrijednost usluga održavanja telekomunikacijskih instalacija iz člana 1. ovog ugovora iznosi do 5.000,00 KM bez PDV-a.

Izvršilac se obavezuje da će uredno voditi evidenciju pruženih usluga, te do 5-og u mjesecu ispostaviti fakturu za usluge izvršene u prethodnom mjesecu.

II ROK I NAČIN ISPORUKE

Član 3.

Izvršilac se obavezuje da će **Naručiocu** izvršiti isporuku usluga održavanja telekomunikacijskih instalacija tako što će:

- voditi evidenciju o instalacijama koje su bile predmet održavanja, nastalim kvarovima i otklanjanju istih;
- doći na adresu prijavljenog kvara u roku od 2 sata od momenta prijave kvara;
- otkloniti sve nastale kvarove u roku od 48 sati od momenta prijave neispravnosti;
- doći na adresu prijavljenog kvara u roku od 3 sata od momenta prijave kvara vikendom i praznicima;

JU „Apoteke Sarajevo“



- voditi računa o načinu održavanja telekomunikacijskih instalacija, a u skladu sa zakonskom regulativom ove oblasti.

Izvršilac je obavezan da naručiocu nadoknadi štetu zbog neblagovremeno izvršene usluge, izuzev u slučaju više sile, poremećaja na tržištu, razloga koji je skrivio Naručilac i drugih okolnosti na koje Izvršilac nije mogao da utiče.

III KVALITET USLUGE

Član 4.

Izvršilac garantuje da će Naručiocu izvršiti naručenu uslugu odgovarajućeg kvaliteta, u protivnom, Izvršilac je obavezan da Naručiocu naknadi pretpjelu štetu.

IV KVALITATIVNI I KVANTITATIVNI PRIJEM

Član 5.

Naručilac će vršiti kontrolu kvaliteta kod preuzimanja izvršene usluge, uz prisustvo predstavnika Izvršioca, na način kako je uobičajeno.

Reklamacija na kvalitet usluge se mora pokrenuti najkasnije do 7 dana od momenta izvršene usluge.

Član 6.

Ako prilikom prijema izvršene usluge Naručilac utvrdi eventualnu razliku odnosno određene nedostatke, pružaoc se obavezuje izvršiti novu uslugu bez nedostataka u roku od 7 (sedam) dana.

U svakom slučaju, izvršilac je dužan naručiocu nadoknaditi pretrpljenu štetu.

V NAČIN I ROK PLAĆANJA

Član 7.

Rok plaćanja za usluge iz člana 1. ovog ugovora je 60 dana od dana zaprimanja fakture, koja se izdaje u skladu sa članom 2. Ugovora, pod uslovom da nije bilo reklamacije od strane naručioca.

Uplata se vrši na transakcijski račun pružaoca, naznačen na fakturi.

VI SAOPŠTENJE I REKLAMACIJE

Član 8.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

VII TRAJANJE UGOVORA

Član 11.

Ovaj ugovor se zaključuje na period od 15.08.2018. godine i biće na snazi sve do i uključujući 14.08.2019. godine.

VIII PRELAZNE I ZAVRŠNE ODREDBE

Član 12.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 13.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 14.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

Član 15.

Ovaj ugovor je sačinjen u 4 (četiri) istovjetna primjerka od kojih po dva primjerka zadržava svaka ugovorna strane.

JU „Apoteke Sarajevo“
Prim. mr. ph. Sait Muradić
Generalni direktor



Broj: 01-03- 1278/18



Sarajevo, 15.08.2018. godine

SERTIĆ d.o.o.
Miralem Spahić
Direktor



Broj: 73/2018



JU „Apoteke Sarajevo“



Sertić d.o.o.

